



Broj predmeta: 02-000026/23
Broj akta: 18-1302MG-004/23
Datum, 31. 5. 2023. godine
Mjesto, Brčko

Na osnovu člana 22. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i člana 5. stava (2) Zakona o zaštiti lica koja prijavljuju korupciju („Službeni glasnik Brčko distrikta BiH“, broj 25/18), šef Odjeljenja za evropske integracije i međunarodnu saradnju donosi

ODLUKU O PROCEDURI I NAČINU INTERNOG PRIJAVLJIVANJA KORUPCIJE U ODJELJENJU ZA EVROPSKE INTEGRACIJE I MEĐUNARODNU SARADNJU

I. OPĆE ODREDBE

Član 1. (Predmet)

- (1) Odlukom o proceduri i načinu internog prijavljivanja korupcije u Odjeljenju za evropske integracije i međunarodnu saradnju Vlade Brčko distrikta BiH (u daljnjem tekstu: Odluka) uređuje se način prijavljivanja korupcije u Odjeljenju za evropske integracije i međunarodnu saradnju (u daljnjem tekstu: Odjeljenje), postupanje po zaprimljenoj internoj prijavi korupcije, razmatranje zaprimljene interne prijave korupcije, obaveza obavještanja lica koje je prijavilo korupciju o preduzetim radnjama, zaštita lica koja prijavljuju korupciju i druga pitanja koja se odnose na interno prijavljivanje korupcije u Odjeljenju.
- (2) U slučaju prijavljivanja korupcije od strane drugih lica koja nisu zaposlena u Odjeljenju također će se primjenjivati odredbe ove odluke.

II. POSTUPAK PO INTERNIM PRIJAVAMA KORUPCIJE

Član 2. (Pravo na interno prijavljivanje korupcije)

- (1) Svaki državni službenik i namještenik u Odjeljenju, koji ima saznanja ili materijalne dokaze o postojanju korupcije u Odjeljenju, može podnijeti internu prijavu zbog postojanja korupcije ili okolnosti koje ukazuju na postojanje korupcije.
- (2) U smislu ove odluke korupcija je svaka zloupotreba moći povjerena javnom službeniku ili licu na političkom položaju, poslodavcu i radniku, koja može dovesti do privatne koristi tog lica, ili bilo kojeg drugog fizičkog ili pravnog lica.
- (3) Prijavljivanje iz stava (1) ovog člana treba da bude učinjeno u dobroj vjeri, odnosno na osnovu vlastitog saznanja podnosioca prijave koje se zasniva na činjenicama i okolnostima koje on smatra istinitim.